



Inuussutissarsiornermut Aatsitassanullu Ataatsimiititaliaq

**Allakkatigut apeqqutinut Naalakkersuisut siulittaasuannut 7. januar 2026  
nassiunneqartunut akissut**

06-02-2026  
Suliap nr. 2025 - 9294

Postboks 930  
3900 Nuuk  
Tlf. (+299) 34 68 00  
Fax (+299) 32 43 02  
E-mail: asn@nanoq.gl  
www.naalakkersuisut.gl

Aatsitassat pillugit ingerlatallu tamatumunnga pingaarutillit pillugit inatsisartut inatsisaata (aatsitassanut ikummatissanullu inatsit) allanngortinneqarnera pillugu Inatsisartut inatsisaannut siunnersuutip aamma aatsitassanut tunngasunik suliaqarneq pillugu Inatsisartut inatsisaata allanngortinneqarnera pillugu Inatsisartut inatsisaannut siunnersuutip (UKA25 imm. 23 aamma 24) sularineqarnerannut atatillugu Inuussutissarsiornermut Aatsitassanullu Ataatsimiititaliaq arlalinnik apeqquteqarpoq.

Inuussutissarsiornermut, Aatsitassanut, Nukissiutinut, Inatsisit  
Attuusinneqarnerannut Naligiissitaanermullu Naalakkersuisup, Naaja H.  
Nathanielsen-ip, akissuteqaataa matuma kinguliani allassimasoq.

**Apeqqu 1.**

**Aatsitassanut Ikummatissanullu Aqutsisoqarfik atorunnaarsinneqarpat  
kikkut inatsisitigut tunngaveqartumik aalajangiinermut – toqqaannartumik  
piginnaatitsissummik pigisaqartut qinnuteqartullu eqqaassaangikkaanni –  
sorliit immikkoortut aassigisaallu naammagittaalliornissaminnut  
annaasaqassappa?**

**Akissut:**

Aatsitassanut Ikummatissanullu Aqutsisoqarfiup atorunnaarsinneqarnerata kingunerisaanik naammagittaalliornissamut periarfissat, Aatsitassanut Ikummatissanullu Aqutsisoqarfiup aalajangiinerinut atasut, tamarmik atorunnaarput. Tassa imaappoq, aatsitassanut ikummatissanullu inatsimmi § 3b, imm. 1, aamma aatsitassanut tunngasunik suliaqarneq pillugu Inatsisartut inatsisaanni § 24, imm. 1 naapertorlugit Aatsitassanut Ikummatissanullu Aqutsisoqarfiup siusinnerusukkat aalajangiiffigisartagaannut tunngatillugu, naammattitaalliornissamut periarfissat inatsimmi aalajangigaasut tamarmik atorunnaarput. Aalajangersakkat taakkua malillugit naammagittaalliorsinnaatitaasut tassaapput, suliassami pineqartup saniatigut peqatigiiffiit aamma kattuffiit, malittarisassatik malillugit sukisaarsarneq,

avatangiisini pinngortitamilu soqutigisat imaluunniit inuiaqatigiinnut tunngasut pillugit soqutigisanik annertuunik isumaginninnissamut siunertaqartut, aammalu aatsitassanut ikummatissanullu inatsit naapertorlugu kikkut tamarmik, suliap pineqartup kinguneqarnissaanik pingaarutilimmik inuttut namminertut soqutigisaqartutut naatsorsuutigineqarsinnaasut. Tamatuma saniatigut nalinginnaasumik qulliunerusumut naammagittaalliorsinnaaneq, taanna malillugu inatsisit allat malillugit aalajangiinernut, assersuutigalugu allagaatinik takunninnissamut aalajangiinerit, tunngatillugu oqartussamut qulliunerusumut naammagittaalliortoqarsinnaanera, atorunnaarpoq.

Oqaatigineqassaaq, aatsitassanut inatsisit malillugit naammagittaalliorsinnaatitaasut allat, aalajangiinerit Aatsitassanut Ikummatissanullu Aqutsisoqarfimmit aalajangiiffigineqartut, naammagittaalliuutiginnissaannut periarfissamik atuisimanngisaannarmata. Aatsitassanut ikummatissanullu inatsit aamma aatsitassanut tunngasunik suliaqarneq pillugu Inatsisartut inatsisaanni naammagittaalliornissamut aalajangersakkat naapertorlugit naammagittaalliuutinik taamaallaat pisinnaatitsissummik pigisaqartunit Naalakkersuisoqarfik tigusaqarsimavoq. Aammalu ataasiinnaq sulisut isumannaatsuunissaat pillugu peqqusinermut naammagittaalliorsimasoq eqqaassanngikkaanni, naammagittaalliuutit taakkua pisinnaatitsissummik pigisaqartut oqartussat suliarinninnerannut akiliutissanik naatsorsuinernut tunngassuteqarsimapput.

Aammattaq oqaatigineqassaaq, Aatsitassanut Ikummatissanullu Aqutsisoqarfik taamaallaat suliaassani appasinnerulluinnartumi suliarineqartussani taamaallaat aalajangiisarsimammat. Aatsitassanut suliaasaqarfimmi aalajangiinerit pingaarutillit tamarmik Naalakkersuisumit imaluunniit Naalakkersuisunit tamarmiusunit aalajangiiffigineqarsimapput, taamaattumillu suliap pissusissamisoornerani inatsit naapertorlugu naammagittaalliorsinnaanerup atorniarnissaa periarfissaasimanani.

## **Apeqquut 2.**

**Siunnersuutini nassuiaatini § 3 b, imm. 3 (aamma § 24, imm. 3), ima oqaasertaqartut:**

***”Tamat siunnersuutip matuma atuutilinnginnerani pisartut assigalugit pinngortitamut avatangiisinullu tunngasut pillugit aalajangiinerit naammagittaalliuutiginnissaannut periarfissaqarnissaat, naammagittaalliorsinnaanermi qulakkeerneqassaaq.”***

**Tamanna ima paasineqassanerluni naammagittaalliornissamut periarfissamut imaluunniit naammagittaalliorsinnaatitaasunut killiliineq**

**pinngortitamut- avatangiisinullu aqutsinermut allannguinermik nassataqassanngitsoq?**

**Akissut:**

Tamanna imatut paasineqassaaq, pinngortitamut avatangiisinullu tunngasut pillugit pisortat ingerlatsinerannik allatut aaqquussisoqassappat, tamanna naammagittaalliorsinnaatitaasut imaluunniit naammagittaalliorsinnaanermut atugassarititaasut annikillisinneqarnerannik malitseqassanngimmata. Taamaalilluni assersuutigalugu, najukkani peqatigiiffiit aamma avatangiisinut kattuffiit pinngortitamut avatangiisinullu tunngasut pillugit aalajangiinerit suli naammagittaalliuutigisinnaassagaat, qulakkeerneqartussaassaaq. Tamanna naammagittaalliorinissamut maleruagassanik imalimmik nalunaarummik atuutsitsilernermi pissaaq.

Inuussutissarsiornermut Aatsitassanullu Ataatsimiititaliamut allakkiaq qulequtaqartoq *Namminersorlutik Oqartussani aatsitassanut suliassaqarfiup siunissami aaqquussuusaanissaa pillugu ilisimatitsissut*, ulloq 20. oktober 2025 ullulernerqartoq, aammattaaq innersuussutigineqarpoq, tassani ilaatigut allassimavoq Aatsitassanik Suliassaqarfinnut Avatangiisinut Aqutsisoqarfik Pinngortitamut Avatangiisinullu Naalakkersuisoqarfiup ataani immikkoorluni immikkoortutut attatiinneqassasoq (Ilanngussaq 1).

Oqaatigineqassaaq, pinngortitamut avatangiisinullu tunngasut pillugit aalajangiinerit pingaarutillit ullumikkut amerlanertigut Naalakkersuisunit tamarmiusunit aalajangiiffigineqartarmata, aammalu aalajangiinerit taakkua soorunami allaffissornikkut immikkoortortanut allanut naammagittaalliuutigineqarsinnaanngillat.

**Apeqquut 3.**

**Apeqquut 2-mi issuaanermi oqaaseq "tamam" kisimi atornerqarpoq, tamanna ima paasineqassanerluni qinnuteqartut imaluuniit piginnaatitsissummik pigisaqartut naammagittaalliorinissaminnut periarfissaqarnerat siunnersuutit atuutsilernerisa siulianut sanilliullugu ajornerulissasoq?**

**Akissut:**

Naamik, qinnuteqartut aammalu pisinnaatitsissummik pigisaqartut naammagittaalliorsinnaanerat annikillisinneqarsinnaasussaannngilaq. Siunnersuutit malillugit pinngortitamut avatangiisinullu tunngasut pillugit naammagittaalliorsinnaaneq attatiinneqarpoq. Pisinnaatitsissummik pigisaqartoq taamaalilluni assersuutigalugu peqqussutit, pinngortitamut avatangiisinullu tunngasut innersuussutigalugit peqqussutigineqartut, pillugu aalajangiinerit naammagittaalliorsinnaatitaanermut

qulakkeerussunneqartussaassaaq. Tamannalu atugassarititaasunut, ingerlatassat immikkuullarissut pillugit ingerlatassanut akuersissuteqarnerni aalajangersarneqartunut, tunngatillugu aamma atuutissaaq, tamanna assersuutigalugu atortulersuutiniq mingutsitsisartunik inissiinissamut tunngassuteqarsinnaavoq.

Inussiarnersumik inuulluaqqusillunga

Med venlig hilsen

Best Regards



Naaja H. Nathanielsen

Inuussutissarsiornermut, Aatsitassanut, Nukissiutinut, Inatsisit

Atuutsinneqarnerannut Naligiissitaanermullu Naalakkersuisoq

Naalakkersuisoq for Erhverv, Råstoffer, Energi, Justitsområdet og Ligestilling.

Minister of Business, Mineral Resources, Energy, Justice and Gender Equality



## Inuussutissarsiornermut Aatsitassanullu Ataatsimiititaliaq

### **Kalaallit Nunaanni Namminersorlutik Oqartussani aatsitassanut suliassaqarfiup siunissami aqqissugaanissaa pillugu ilisimatitsineq**

20-10-2025  
Suliap normua:2023-17601

Kalaallit Nunaanni Namminersorlutik Oqartussani aatsitassanut suliassaqarfik allakkiap matuma allaaseraa. Aallarnersaataasumik manna tikillugu aamma maannakkut pisumi aqqissugaanerup naatsumik allaaserineqarneranik allakkiap imaqarpoq. Tamatuma kingorna allanngortitsinerit pisimasut kingunerinik naatsumik allaaserinninneq malitsigitinneqarpoq.

Postboksi 930  
3900 Nuuk  
Oqar. (+299) 34 68 00  
Faksi (+299) 32 43 02  
E-maili: [sn@nanaoq.gl](mailto:sn@nanaoq.gl)  
[www.naalakkersuisut.gl](http://www.naalakkersuisut.gl)

### **1. Aatsitassanut suliassaqarfimmut manna tikillugu aamma maannakkut pisumi aqqissugaanerup ilusaa**

Kalaallit Nunaanni Namminersorlutik Oqartussat aqqissugaaneranni isummat nalinginnaasut malillugit aqutsisoqarfiit naalakkersuisoqarfiit ataanniipput. Ataatsimik aqutsisoqarfeqartillugu, taava naalakkersuisoqarfimmik tassunga atasumik aamma peqassaaq. Taamaalilluni aatsitassanut suliassaqarfik manna tikillugu immikkoortortanut sisamanut agguarneqarpoq, tassami Aatsitassanut aqutsisoqarfimmut aamma Aatsitassanik suliassaqarfinnut avatangiisinut aqutsisoqarfimmut aqutsisutut naalakkersuisoqarfiit pissusissamisoortumik aqqissugaanermi ilanngunneqarsimapput.

Massakkuugallartoq aatsitassanut suliassaqarfimmi aqqissugaanerup ilusaa tulliuuttutit iluseqarpoq:

- Inuussutissarsiornermut, Aatsitassanut, Nukissiuutinut, Inatsisit Atuutsinneqamerannut Naligiissitaanermullu Naalakkersuisoqarfik, matumani siusinnerusukkat Aatsitassanut Aqutsisoqarfiusimasumit immikkoortortaqaarfiit marluk ilanngullugit (AI 2025: Inuup ataatsip ukiumut suliarisinnaasaasa naatsorsorneqarnerat 10)
- Pinngortitamut, Avatangiisinullu Naalakkersuisoqarfik
- Aatsitassanik suliassaqarfinnut avatangiisinut aqutsisoqarfik (AI 2025: Inuup ataatsip ukiumut suliarisinnaasaasa naatsorsorneqarnerat 5)

#### *Aatsitassanut aqutsisoqarfik*

1. juli 2025 tikillugu suliap amerlanerpaartaat Aatsitassanut Aqutsisoqarfimmi aallartittarsimapput (One Door), taava aatsitassanut-immikkoortortaqaarfinit allanit ilanngussassanik Aatsitassanut Aqutsisoqarfik pissarsiniartarpoq, matumani avatangiisit pillugit piumasaqataatit, Avatangiisinut Aqutsisoqarfimmit aalajangikkat ilanngullugit. Tamatuma kingorna Aatsitassanut Aqutsisoqarfik nammineerluni aalangiisarpooq imaluunniit Inuussutissarsiornermut, Aatsitassanut, Nukissiuutinut,

Inatsisit Atuutsinneqarnerannut Naligiissitaanermullu Naalackersuisoqarfimmut innersuussummik aalajangiiffigisassamik suliaqartarpoq.

Nalinginnaasumik Aatsitassanut Aqutsisoqarfiup suliat suussusaat tulliuuttut taamaallaat aalajangiiffigisarsimavai:

- Arsaarinninnerit
- Avammut tunisinissamut akuersissutit
- Suliniuteqarnissamut akuersissutit
- Misissuinnermut aningaasartuutitik akuersissuteqarneq
- Iisimatusarnermut atasumik misissuinnissanut akuersissutit

Suliani allatut suussuseqartuni Aatsitassanut Aqutsisoqarfik nammineerluni aalajangiisarsimangilaq. Tassunga taarsiullugu Inuussutissarsiornermut, Aatsitassanut, Nukissiuutinut, Inatsisit Atuutsinneqarnerannut Naligiissitaanermullu Naalackersuisoqarfimmut innersuussummik suliaqartarsimavoq. Suliani taakkunani aalajangiinerit taamaalillutik allaffissornikkut immikkoortortamut suliassiissutigineqarneq ajorput kisianni tassunga taarsiullugu aalajangiineq, immikkoortortamit politikikkut aalajangiinissamut piginnaatitaanermik peqartumit, aalajangerneqartarsimalluni. Ingammik suliani, pissutsinut avatangiisinut tunngassuteqartunut aamma inuiaqatigiinnut tunngassuteqartunut annertuumik sivisuumillu sunniuteqarsinnaasunut, aalajangiinerup allaffissornikkut aalajangerneqannginnissaa iluaquteqarsinnaavoq.

2025-imi aringaasanut inatsimmut oqaasertaliussami periarfissaliissut atorlugu, Aatsitassanut Aqutsisoqarfik ulloq 1. juli 2025 atorunnaarsinneqarpoq:

*"Aatsitassanut suliassaqarfimmi, Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalackersuisoqarfimmit aamma Aatsitassanut Ikummatissanullu Aqutsisoqarfimmit isumagineqartumi, oqartussat sularinnittarnerannik allatut ilusiliinissamut oqaasertaliussaq periarfissiivoq. Oqaasertaliussaq avatangiisinut suliassaqarfimmi oqartussat sularinnittarnerannut tunngatillugu naalackersuinnermut attuumassuteqannginnermut tunngaviusup allanngortinnissaanut periarfissiingilaq, taamatullu avatangiisinut suliassaqarfimmi oqartussap aalajangiinerisa naammagittaalliutigineqarnissaannut periarfissanik allanngortitsinissamut piginnaatitsisoqarani. Aatsitassanut suliassaqarfiup iluani oqartussap ilusiligaanerani allanngortinneqarnissaanut, tamatuma kingorna aatsitassat pillugit ingerlatallu tamatumunnga pingaarutillit pillugit inatsisartut inatsisaata (aatsitassanut ikummatissanullu inatsit) ammalu aatsitassanut tunngasunik allanngortinneqarnissaa, pisariaqarpoq."*

Oqaasertaliussaq taanna tunuliaqutaralugu Aatsitassanut Aqutsisoqarfik ulloq 1. juli 2025 atorunnaarsinneqarpoq, aamma tamatuma peqatigisaanik aqutsisoqarfiup suliassai Inuussutissarsiornermut, Aatsitassanut, Nukissiuutinut, Inatsisit Atuutsinneqarnerannut Naligiissitaanermullu Naalackersuisoqarfimmut nuunneqarput.

Tamanna sulisaatsimi Aatsitassanut Aqutsisoqarfiup immikkoortortaqaqfiisa marluk naalakkersuisoqarfimmut nuunneqarnerisigut pivoq.

Aatsitassanut Aqutsisoqarfiup suliassaasa Inuussutissarsiornermut, Aatsitassanut, Nukissiuutinut, Inatsisit Atuutsinneqarnerannut Naligiissitaanermullu Naalakkersuisoqarfimmut nuunneqarnerisigut, aalajangiinerit maannamut Aatsitassanut Aqutsisoqarfimmit aalajangerneqartarsimasut, allaffissornikkut naammagittaalliutigineqarsinnaajunnaarput.

Ukiuni kingullerni marlunni Aatsitassanut Aqutsisoqarfimmit aalajangiinerit aalajangerneqarsimasut 4 naammagittaalliutigineqarsimapput, taakkulu tamarmik pisinnaatitaanermik piginnittup oqartussaasut suliarinninnerannut aningaasartuutaanut atassuteqartumik aningaasaqarnermut pissutsinik tunngassuteqarput. Naalakkersuisoqarfimmit aalajangiinerit aalajangerneqarsimasut naammagittaalliorput apeqqusersimappatigit, imaluunniit akertilersimappatigit, naammagittaalliuteqarnermik suliani aalajangiinerit allaanerusimanaviangikkaluarput.

#### *Aatsitassanik suliassaqaqarfimmut Avatangiisinut Aqutsisoqarfik*


Aatsitassanik suliassaqaqarfimmut Avatangiisinut Aqutsisoqarfik tassaavoq aatsitassanut tunngasunik suliqaqarnermut atasunik avatangiisinut akisussaaffeqarluni allaffissornikkut oqartussaasuusoq, Pinngortitamut, Avatangiisinullu Naalakkersuisoqarfiup ataani inissisimasoq. Avatangiisit illersorneqarnerisa, pinngortitap, silap pissusaata, avatangiisinik naliliinerit (VVM-it), nakkutilliinerit aamma avatangiisinut akisussaassuseqarnerup iluaniittut pillugit, Avatangiisinut aqutsisoqarfik aalajangiisarpooq aamma piumasaaqatinik aalajangersaasarpoq. Aqutsisoqarfiup suliarnut tunngatillugu naliliineri aalajangiinerilu arlaannaannulluunniit attaveqanngitsunit ilisimatusarnermut atasumik sullissivinnit ilisimatusarnermit tunngaveqartunit siunnersuinernit tunngaveqartarput.

Avatangiisinut suliassaqaqarfimmut Avatangiisinut Aqutsisoqarfiup aamma ilitsersuutit malittarisassallu suliarisarpai, matumani VVM-imut najoqqutassat, suliqaqarfimmi malittarisassat aamma eqqaanissamut pilersaarutit, kiisalu digitaliusumik sakkuutit soorlu NatureMap-ip ineriartortinneqarneri ingerlanneqarnerilu ilanngullugit.

Avatangiisinut Aqutsisoqarfiup naliliineri oqartussaasut suliarinninneranni ataatsimoortumi ilaasarput, kisianni aatsitassanut suliassaqaqarfiup inuussutissarsiornermut sammitinneqartup avataani aaqqissuussaannermi inissisimanerata, ilisimasallit qinikkanit sunnerneqaratik aalajangiisussaanerannut naapertuuttumik, suliarnut tunngassuteqartumik arlaannaannulluunniit attuumassuteqannginnissaq aamma suliarnut akuusinnaaneq qulakkeerpaa. Pinngortitaq- aamma avatangiisit pillugit pissutsinut tunngassuteqartut pillugit, oqartussaasut suliarinninneri allat apeqqutaatinnagit suliarineqartarnerattut, ilisimasallit qinikkanit sunnerneqaratik aalajangiisussaanerattut paasineqassaaq. Imaappooq, pinngortitaq- aamma avatangiisit pillugit ulluinnarni sulianik sulianittarneq naalakkersuisoqarfimmit tassannga imaluunniit immikkoortortaqaqarfimmit naalakkersuisoqarfiup ataaniittumit, aatsitassanut suliassaqaqarfimmi pissutsinik allanik sulianik suliarinnittumit, suliarineqassanngilaq.

*Pinngortitamut, Avatangiisinullu Naalackersuisoqarfik*

Ulluinnarni ingerlatsinermi Pinngortitamut, Avatangiisinullu Naalackersuisoqarfik, taassuma Avatangiisinut Aqutsisoqarfiup aalajangiinerinut naammagittaalliuteqartarfittut, kiisalu suliassaqarfinni ataasiakkaani, matumani ilisimatusarnermut atasumik misissuinerinut, Kalaallit Nunaata avannaarsuani kangianilu Nuna Allannugtsaaliugassatut Immikkoortitami akuerissutit/suliaqarnissamat qinnuteqaatit aamma pinngortitaq- aamma avatangiisit pillugit suliassaqarfimmi nunat tamat akornanni isumaqatigiissutit assigiinngitsut eqqortinneqarnissaat ilanngullugit, inissisimanermigut tassaavoq aatsitassanut suliassaqarfimmut pingaamertut oqartussaasutut peqataasoq.



**2. Aatsitassanut suliassaqarfiup ingerlatsivigineqarneranut aqqissugaanerup ilusaata nutaap kingunissai**

*Aatsitassanut Aqutsisoqarfik atorunnaarsinneqarpoq aamma aqutsisutut naalackersuisoqarfimminut isertinneqarpoq.*

Aatsitassanut oqartussaasoqarfik tassaassasoq aqutsisoqarfinnik marlunnik, Aatsitassanut Aqutsisoqarfimmi aamma Aatsitassanik suliassaqarfinnut avatangiisinut Aqutsisoqarfimmi aqutsisoqarfeqartoq, Aatsitassanut tunngasumik suliagarneq pillugu inatsisip aamma aatsitassanut ikummatissanullu inatsisip aalajangersarpaat. Aqutsisoqarfik inatsimmit peersinneqarsinnaavoq, tamannalu inatsimmi allannortitsinissamik piunarsaqarfiuvoq. Aatsitassanut Aqutsisoqarfik pineqartillugu taamaattoq 2025-imut aningaasanut inatsimmi oqaasertaliussa q ilanngunneqareersimavoq, taassumalu nanimattumik periarfissaliissut tunniunniuppa. Tamanna tunngavigalugu Aatsitassanut Aqutsisoqarfik atorunnaarsinneqarpoq, taassumalu immikkoortortaqarfii marluk naalackersuisoqarfimmi immikkoortortatut marluttut isertinneqarput.

One Door pillugu suliaasaq Inuussutissarsiornermut, Aatsitassanut, Nukissiuutinut, Inatsisit Atuutsinneqarnerannut Naligiissitaanermullu Naalackersuisoqarfimmit suliarineqassaaq.

Aatsitassanut Naalackersuisoqarfiup aatsitassanut aqutsisoqarfiup suliaasai taamaalilluni tigummagit, aamma oqaasertaliussap Aatsitassat pillugit ingerlatallu tamatumunnga pingaarutillit pillugit Inatsisartut inatsisaata, taaneqartorpiamut pingaaruteqartup (aatsitassanut ikummatissanullu inatsit) aamma Aatsitassanut tunngasumik suliaqarneq pillugu Inatsisartut inatsisaata, tulliuuttumik allanngortinneqarnissaat piumasqaateqarfigimmatigit, aatsitassat pillugit inatsisiliorneq nutarterneqassaaq, taamaalilluni Aatsitassanut Aqutsisoqarfik pillugu malittarisassat atorunnaarsinneqassallutik.

Aatsitassanut Aqutsisoqarfiup atorunnaarsinneqarnerata, ataqatigiissaarineramik suliaqarnermut isumalluutinik atuinerup annikillisinneqarsimaneranik kinguneqarsimamera, nalilerneqarpoq.

*Avatangiisinut oqartussaatur massakkut ilutsimi tassaapput tulliuuttut*  
Avatangiisinut suliaasaqarfimmi Aatsitassanik suliaasaqarfinnut avatangiisinut aqutsisoqarfik, Pinngortitamut, Avatangiisinullu Naalackersuisoqarfiup ataani nammineq immikkoortortaqaarfittut attatiinneqassaaq, taamaaliornerullu pinngortitaq- aamma avatangiisit pillugit suliarinnittarnermut tunngatillugu, ilisimasallit qinikkanit sunnerneqaratik aalajangiisussaanerannut naapertuuttumik, suliamut tunngassuteqartumik arlaannaannulluunniit attuumassuteqannginnissaq qulakkeerpaa. Taamaalilluni massakkut aaqqissugaaneq ingerlalluurtut, attatiinneqassaaq, aamma aatsitassanut suliaasaqarfimmi avatangiisit, pinngortitaq aamma silap pissusaa pillugit sunniuteqarluartumik aamma suliamut tunngasumik tunngaveqartumik ingerlatsineramik ikorfartuutaasoq takuneqarsinnaalersimasoq

Aqutsisoqarfiup suliaasaanut inatsisiliornerit suli erseqqissumik killiliinissaat qulakkeerneqassaaq, matuma tulliuuttut pillugit:

- Pinngortitamut, Avatangiisinullu Naalackersuisoqarfimmut, pinngortitaq avatangiisillu pillugit aalajangiinerit naammagittaalliutigineqarnissaannut suli periarfissaqarnissaq.
- Pinngortitaq avatangiisillu pillugit sulianik suliarinninneq, inatsisit taakku marluk malillugit akuersissuteqarnerit aamma akuersissutit pillugit sulianik suliarinninnerit allat apeqquataatinnagit, sulianik suliarinninnerit ingerlanneqarnissaat.
- Pinngortitaq- aamma avatangiisit pillugit pissutsinik naliliinerit aalajangiinerillu, aamma aalajangiinerit missingiutit, ilisimatusarnermut atasumit sullissivimmit ataatsimit imaluunniit sullissivinnit arlalinnit arlaannaannulluunniit attuumassuteqanngitsunit, aamma nunat tamat akomanni sulisaatsinut pitsaasunut akuerisaasunut naapertuuttumik, tunngaveqarnissaat.

Naalackersuisunut isummernissamik tunngavissiaq saqqummiunneqalerpat, tassani Avatangiisinut Naalackersuisoq isummernissamut tunngavissiamut kisimiilluni

akisussaasuulluni imaluunniit peqataalluni, Pinngortitamut, Avatangiisinullu Naalakkersuisoqarfik peqataatinnegassaaq. Aatsitassat pillugit inatsisiliornerit iluarsaanneqarnerannut atatillugu aamma aatsitassanut suliassaqarfiup aaqqissuuteqqinneqarnerani, isummernissamik tunngavissiamik, akisussaaffittut suliassaqarfiit akornanni ataqatigiissaakkamik, Avatangiisinut Naalakkersuisup saqqummiussiffineqarnissaata qulakkeerneqartariaqarpoq.

Aatsitassanut Aqutsisoqarfimmi pisut akerlianik, Aatsitassanut Aqutsisoqarfiup atorunnaarsinneqarnerata annikinnerusumik isumalluutinik atuinermik kinguneqarnissaa nalilerneqanngilaq.

Inussiarnersumik inuulluaqqusillunga  
Med venlig hilsen  
Best Regards

*Naaja H. Nathanielsen*

Naaja H. Nathanielsen



Bentiarq Ottosen